

Yazdır | <http://www.yeniozgurpolitika.org/?bolum=haber&hid=56712>

# Yeni Özgür Politika

## 'AKP kurdên bi rengê xwe dixwaze'

27 Subat 2010



**„AKP tiştê dike, heta niha ne kemalistan û ne jî artêş bi destxistî dike. Li hember kurdan durûtiyê dike. Olê bi kar tîne û bi têgihîştina osmaniyan nêzî kurdan dibe.“**

Dr. Nikolaus Brauns, rojnamevan û nivîskarê rojnameya Junge Welt e. Her wiha di Parlamentoya Almanyayê, ji bo Parlamana Ulla Jelpke karê siyaseta hundir dike. Dîrokzan e. Niha li Berlinê Buroya Solidaritaetê kar dike. Heta niha 9 caran çûye Kurdistanê û der barê PKK'ê de pirtûkekê dinivîsîn e ku meha 4'an derdikeve. Têkildarî pêşveçûnên li Tirkîyeyê yê têkildarî pirsgirêka kurd û rewşa kurdan a li Almanyayê Dr. Nikolaus Brauns pirsên me bersivandin.

### **Hûn mîna siyasatmedar û rojnamevanekî alman pirskirêka kurd û rewşa Tirkîyeyê ji nêz ve dişopînin. Em bi polîtîkaya hikûmeta AKP'ê dest pê bikin. Polîtîkaya AKP'ê ya li hemberî kurdan hûn çawa dibînin?**

Siyaseteke ne durist dike. Tiştê ku AKP'ê dike heta niha ne kemalistan û ne jî artêşê pêk anîbû. Li hemberî kurdan durûtiyê dike. Olê bi kar tîne. Bi têgihîştina osmaniyan nêzî kurdan dibe. Lê polîtîkayên nû. Li ser navê olê dixwaze kurdan ji rastiya wan dûr bixe. Ev polîtîka polîtîkayên osmaniyan in ku li hemberî gelek gelan bikar anîbûn. Îro AKP van polîtîkayan nû û dubare dike. Ne mimkûne pirsgirêka kurd bi şewazê nêzîkbûna osmaniyan were çareserkirin.

Çi dibêje AKP? Dibêje; 'bila kurd bi zimanê xwe biaxivin, tu astengî li pêşiya zimanê wan nîne, lê bila ne bi fermî be. Bila kurd navê gundên xwe bi kar bînin li bila ne bi fermî be.' Bi vê nêzîkbûna xwe AKP dibêje ji bo çareseriyê me gav avêtine. Lê ne rast e. Hebûna kurdan hêj ne pejirandiyê. Bi zimanê dayikê ku zimanê dayikê hebûna mirovan e qedexe ye. Rêxistina kurdan wekî sûc dibîne û li pêşiya rêxistinbûyina civaka kurd astengiyên dertê xwe. Kurdên bi rengê xwe dixwaze. Kurdan bi rengê wan qebûl nake. Ji bo vê qasê jî siyasatmedar û şaredarên kurd diavêjin zindanan. Her wiha partî û saziyên kurdan digirin.

### **Ji bo çareseriyê pirsgirêka kurd PKK'ê gelek caran agirbest îlan kir lê wan agirbestan bersiv nedît.**

Helbet di cih de ye ku aliyê kurd her dem amade ye û dixwaze pirsgirêk bi rêbazên aştiyane bê çareserkirin. Amade ye ji bo diyalogê. Ji bo vê qasê jî kurdan gelek caran agirbest îlan kir. Lê bersiv her dem neyînîbû û li ser gerîlayên kurd bombe hatin barandin. Dewlata tirk heta niha ji bo çareseriyê pirsgirêka kurd gawek ne avêtîye. Hikûmeta AKP'ê ji polîtîkayên dewletê pejirandinê û li gel artêşê dimeşe. Gelek rêbazan jî li hemberî kurdan bi kar tîne. Dibêje 'Di aliyê demokrasîyê de, ji aliyê mafê mirovan ve min gelek gav avêtine.' Lê di rastiya de li ser gelê kurd terora dewletê dimeşîne. Alîkariyê ji gelek dewletan digire, her wiha ji NATO'yê digire û li hemberî kurdan bi kar tîne. Bi vê riyê gelek generalên tirk dewlemend bûne. Ev general naxwazin pirsgirêk bi riyên aştiyane çareser bibe. Dê derfetên wan jî destê wan derkevin. Her wiha ev nixandînan jî bo AKP'ê jî derbasdar e. AKP û artêş di mijara pirsgirêka kurd de hevkar in. Bi hev re dimeşin. AKP jî bo berjewendiyê xwe li gel atêşê dimeşe û xwe di nava sistemê de bicih dike. Heger bi riyê aştiyane pirsgirêka kurd bixwaze bê çareserkirin divê muxatabên kurd ên rastî li ber çavan bigire. Muxatabên kurd jî rêxistinên kurdan e. Ev rêxistin jî PKK, KCK û BDP ye. Di nav daxwazên kurdan de demokaratiyê civakê heye. Kurd jî aliyê xwe ve amade ne. Lê ne sistema tirk û ne jî civaka tirk ne amade ye.

Rêxistinên kurdan di nav civaka tirk de jî gelek pêşketin çêkîrin, lê hêj gelek ked dixwaze. Çapemeniya tirk jî alîgirê şer e. Ew jî baweriyê civaka tirk a li hemberî kurdan kêmtir dike. Sistem ne amade ye kurdan bipejirîne, lê divê PKK û BDP di nav civaka tirk de xebatên xwe zêdetir bikin. Ev polîtîkayên di nav civaka tirk de encam bigire û sistem dê tek biçe. Hikûmet û artêş hem bi derfetên dewletê hem bi riyê çapemeniyê civaka tirk bêhiş dihêle û der barê nêzîkbûna aliyên kurd de bêagahî dihêle. Tenê pirsgirêka kurd weke 'terorê' nîşan dide. Lê eger gelê tirk li Stenbol û Îzmîrê jî bo çareseriyê pirsgirêkê milyonek mirov rabe ser xwe wê çaxê sistem dê tek biçe.

## **Dewleta tirk naxwaze Rêberê Gelê Kurd Abdullah Ocalan û PKK muxAtab bigire. Heger Ocalan û PKK muxAtab neyên girtin gelo dê pirsgirêk çareser bibe?**

Ji bo çareseriya pirsgirêka kurd daxwaz û pêşniyarên BDP, PKK, KCK û Ocalan nêzî hev in û hev temam dikin. Daxwazen ku neyên qebûl kirin ji nînin. Daxwaz daxwaza mafê xwezayî, mafê demokratîk û mafê mirovahî ne. Ya herî berbiçav jî ew e ku dibêjin em dixwazin siyaseteke legal bidin meşandin. Em naxwazin xwîn bê rijandin. Em perwedeya zimanê dayikê dixwazin. Her wiha ji bo van daxwazan bila şaredar û siyasetmedarên me neyên girtin. Ên hatin girtin bila bête berdan. Ev daxwaz ne daxwazên mezin in. Ev daxwazên herî maqûl in û mafê mirovahiyê ye. Her wiha Ocalan dibêje eger naxwazin bi min re rûnin bila rûnenên. Ne ez ne PKK astengiyan demaxin. Dikare bi BDP'ê re rûne û pirsgirêkê çareser bikin. Eger nikarin bi wan re jî rûnên divê destûra bingehîn biguherînin. Helbet ne mimkûn e Ocalan û PKK'ê li ber çavan negirin. Ocalan û PKK berpirsiyarên vê tevgerê ne. Bêyî wan ev pirsgirêk çareser nabe.

## **Baş dizanin têkiliyên dewleta alman û dewleta tirk pir xurt in, ji bo çareserkirina pirsgirêka kurd çima dewleta alman rolê nalîze?**

Ev 150 sal in têkiliyên Tirkiyeyê û dewleta alman baş in. Sedema wê tekliya baş jî aborî ye. Ji ber wê Almanyaya her dem amade bû ji bo binpêkirinên mafên mirovan ji bo başbûna aboriya xwe. Dema em qedexeya PKK'ê ya li Almanyayê temaşe bikin ev rastî derdikeve ber çavan. Dema Almanyaya destûr bide PKK'ê ev zirarê dide têkiliyên aborî yê dewleta alman û Tirkiyeyê ji ser de. Bi rastî ev e sedemê qedexekirina PKK'ê ya li Almanyayê. Almanyaya benzînê diavêje nava agir. Heta li Tirkiyeyê pirsgirêka kurd neyê çareser kirin, li vir zexta li ser kurdan jî ranabe. Ez bawer nakim qedexa ser PKK'ê jî rabe. Almanyaya li benda sînyaleke ji Enqereyê ye. Her wiha dewleta Almaya ditirse ku kurd xwe li wir bi rêxistin bikin û ev nikaribe daxwazê kurdan pêk bîne û wê êdî kontrol bike.

## **Li Almanyayê nêzî milyonek kurd heyê li hember siyasetê ku we behsa wê kir divê çi bikin?**

Di destpêkê de divê kurd bibe pira navbera dostên xwe ên alman. Ew in ê herî baş şerê li Kurdistanê dikin û dibînin. Divê ji dostên xwe yê alman re bêjin. Divê kurd bêjin 'hûn me tirk dihesibînin lê em ne tirk in em kurd in û em bi daxwaza xwe jî nehatin Almanyayê. Artêşa tirk gundê me şewitaniyê û em neçar man dev ji welatê xwe berdin û bête vir. Ji ber panzerên Almanyayê yê ku dide Tirkiyeyê em hatine vir. Her wiha gelek kurd di nava partiyên alman de cih digirin û divê bigirin. Divê tiştên ku hatine serê wan bibin rojeva partiyên. Divê wan îkna bikin. Nabe serî li partiyên bixin dema li Tirkiyeyê cardin dewlet êrîşa li hemberî kurdan pêk tîne. Dema kurd li wir dijîn û xebatkar in divê xwe wekî xebatkarê dewletê bibînin. Her wiha dema li wir dixwînin xwe wekî xwendekarekî bibînin û hwd. Dema dewleta Almanyaya beriya demekê biryarek nû ya ji bo karibe mirovan bişopîne, gelek mirov li hemberî wê biyarê derketin û meş li darxistinê sazîyê kurdan beşdarî wan çalakiyan nebûn. Divê ew jî li hemberî wan qedexeyan û bi taybetî ji bo rabûna qedexeya li ser PKK'ê rabe çalakiyan li dar bixin. Ya herî girîng dema kurd li wir kar dikin bila cihê xwe di nava sendîkayan de bigirin. Di rewşeke wisa de dewleta alman dê nikaribe hesanî bi ser kurdan de biçê. Mirov li wir wekî mînak dikare nivîskar Haydar Işık bide.

## **Li Tirkiyeyê kedkarên TEKEL'ê di nava çalakiyê de ne, we wan ziyaret kir hûn berxwedana wan çawa dibînin?**

Me heta niha nedît bu ku li paydexta Tirkiyeyê pofîs were li hemberî sendîka û kedkaran êrîşa pêk bîne. Ev mirov diçin ser rê tenê daxwaza kar dikin û nanê xwe dikin. Wan kedkaran digot wan hemûyan Partiya AKP'ê hîlbijartibûn. Ev tiştêkî nû bû. Ez matmayî mam bi berxwedana kedkarê TEKEL'ê. Niha sînor di navbera ol, netewe û cinsî de nemaye di nava kedkaran de ye. Piraniya kedkaran marşa Tirkiyeyê digotin û ala Tirkiyeyê radikirin, berî ez biçim, lê dema ez çûm hemû govenda kurdî digirtin û kefiya reş û spî rakirin. Wan kedkaran piraniya wan faşizmê mezin bûn berê, bi hefteyan di nava çalakiyê de bûn. Lê piştê herî balkêş ew bû kedkarê kurd peryê xwe kom dikirin û ji kedkarê tirk re xwarin û betanî dianî. Piştî parvekirina wan tiştan di navbera kedkaran de germahiyek mezin çêbû. Ez nizanîm ev têkoşîna kedkaran çawa bi dawî bibe lê ez hêvî dikim bi encameka baş bi dawî bibe. Ez bawer dikim ev çalakiyê ji bo çareserkirina pirsgirêka kurd jî pir girîng bu, BDP jî anîbû ziman ku dê piştgiriya bidin kedkaran. Her wiha ez girîng dibînim ku KCK'ê û APO jî berdawam piştgiriya bidin vê çalakiyê. Dibe BDP piştgiriya xwe wekî niha berdawam bike ev pir girîng e. Dewletê doz li wan vekir, lê ya girîng mirov baweriya gel qezenc bike û bi wî rengî berdawam bike. BDP ne tenê partiya kurdan a çep her wiha divê bibe partiya hemû kesên li Tirkiyeyê dijîn ên çep.

## **Li Kurdistanê û Tirkiyeyê rewş ber bi ku ve diçe?**

Dewleta Tirk naxwaze çareseriyê, di nava hewldanan de ye ku planê nû çêkin çawa dikarin gelê kurd û tirk li hemberî hev bi kar bîne. Em dizanin partiya BDP'ê pêşî li vî şerî digire. Lê divê em vê jî bîr nekin rola APO li wir pir girîng e. Ew bi salane pêşiya şerê gelan digire. Min li herêma Kurdistanê gelek ciwanê kurd nas kirin di jiyana xwe de ji derve ji girtin, binçavkirin, îşkence û lêdan dîtine ji dewleta tirk. Ji ber wê kîna wan ciwanan li hemberî dewletê di asta herî bilind de ye. Ez di vir de talûkeyêkê dibînim ku dema dewleta tirk wiha berdawam bike ku di pêşerojê de ev ciwan neyên û nayên kontrol kirin.

Her wiha vê dema dawî jî TAK jî xwe cardin anî rojevê. Berpirsiyarê wan tiştan jî tenê dewleta tirk e. Dewleta tirk wan tiştan provoke dike. Û kesê dikarin pêşiya wan tiştan bigire, digire binçav dikin, APO îzole dikin, DTP digirin û siyasetmedarên kurd digirin. Ev planê dewlata kûr e. Gelan li hemberî hev bi kar tînin. Mixabin dewleta tirk di lîstika artêşê de cih digire. Ji ber wê pir girîng e ku gelê kurd hişyar tevbigere û neyne provakasyona

dewletê.

**YUKSEL TOPRAKLI / HANNOVER**

© 2006 - 2007 Yeni Özgür Politika